

右第三十三章四十六言

大道汎汎兮其可在右萬物恃之以生而不
辭功成而不居衣被萬物而不為主故常無
欲可名於小矣萬物歸之而不知主可名於
大矣是以聖人能成其大也以其終不自大
故能成其大

右第三十四章七十三言

執大象者天下往往而不害安平泰樂與餌
過客止道之出言淡兮其無味視之不足見
聽之不足聞用之不可既

右第三十五章四十四言

將欲翕之必固張之將欲弱之必固強之將
欲廢之必固興之將欲奪之必固與之是謂
微明柔之勝剛弱之勝強魚不可悅於淵邦
之利器不可以示人

右第三十六章五十九言

道常無為而無不為王侯若能守萬物將自
化化而欲作吾將鎮之以無名之樸無名之
樸夫亦將不欲不欲以靖天下將自正

右第三十七章四十九言 篇上終

德經古本篇下

唐太史令傅奕校定

上德不德是以有德下德不失德是以無德
上德無為而無不為下德為之而無以為上
仁為之而無以為上義為之而有以為上禮
為之而莫之應則攘臂而仍之故失道而後
德失德而後仁失仁而後義失義而後禮夫
禮者忠信之薄而亂之首也前識者道之華
而愚之始也是以大丈夫處其厚不處其薄
處其實不處其華故去彼取此

右第三十八章一百三十一言

昔之得一者天得一以清地得一以寧神得
一以靈谷得一以盈萬物得一以生王侯得
一以為天下貞其致之一也天無以清將恐
裂地無以寧將恐廢神無以靈將恐歇谷無
以盈將恐竭萬物無以生將恐滅王侯無以
為貞而貴高將恐廢故貴以賤為本高以下
為基是以王侯自謂孤寡不穀是其以賤為
本也非歟故致數譽無譽不欲碌碌若玉落
落若石

右第三十九章一百三十九言

反者道之動弱者道之用天下之物生於有
有生於無

右第四十章二十一言

上士聞道而勤行之中士聞道若存若亡下
士聞道而大笑之不足以為道故建言
有之曰明道若昧夷道若類進道若退上德
若谷大白若踣廣德若不足建德若偷質真
若輸大方無隅大器晚成大音稀聲大象無
形道隱無名夫惟道善貸且成

右第四十一章九十七言

道生一一生二二生三三生萬物萬物負陰
而襄陽沖氣以為和人之所惡惟孤寡不穀
而王侯以自稱也故物或損之而益或益之
而損人之所以教我亦我之所以教人彊梁
者不得其死吾將以為學文

右第四十二章七十九言

天下之至柔馳騁天下之至堅出於無有入
於無間吾是以知無為之有益也不言之教
無為之益天下稀及之矣

右第四十三章四十四言

名與身孰親身與貨孰多得與亡孰病是故甚愛必大費多藏必厚亡知足不辱知止不殆可以長久

右第四十四章三十九言

大成若缺其用不敝大滿若虛其用不窮大直若誦大巧若拙大辯若訥勝寒疇勝熱知清靖以為天下正

右第四十五章四十二言

天下有道卻走馬以播天下無道戎馬生於郊罪莫大於可欲禍莫大於不知足咎莫憯於欲得故知足之足常足矣

右第四十六章四十五言

不出戶可以知天下不窺牖可以知天道其出闕遠其知闕迤是以聖人不行而知不見而名不為而成

右第四十七章四十言

為學者日益為道者日損損之又損之以至於無為無為則無不為將欲取天下者常以無事及其有事又不足以取天下矣

右第四十八章四十八言

聖人無常心以百姓心為心善者吾善之不善者吾亦善之得善矣信者吾信之不信者吾亦信之得信矣聖人之在天下歛歛焉為天下俾俾焉百姓皆往其耳目聖人皆咳之

右第四十九章六十八言

出生入死生之徒十有三死之徒十有三而民之生之而動動皆之死地亦十有三夫何故以其生之厚也蓋聞善攝生者陸行不遇兕虎入軍不被甲兵兕無所投其角虎無所指其爪兵無所容其刃夫何故也以其無死地焉

右第五十章八十八言

道生之德畜之物形之勢成之是以萬物莫不尊道而貴德道之尊德之貴夫美之尊而常自然故道生之德畜之長之育之亭之毒之蓋之覆之生而不有為而不恃長而不宰是謂玄德

右第五十一章七十二言

天下有始可以為天下母既得其母以知其

子既知其子復守其母沒身不殆塞其兌閉其門終身不勤闢其兌濟其事終身不敝見小曰明守柔曰澁用其光復歸其明無遺身殃是謂襲常

右第五十二章七十三言

使我介然有知行於大道惟施是畏大道甚夷而民好徑朝甚除田甚蕪倉甚虛服文未帶利劬歎飲食貨財有餘是謂盜夸盜夸非道也哉

右第五十三章五十四言

善建者不拔善抱者不脫子孫祭祀不輟修其身其德乃真修之家其德乃餘修之鄉其德乃長修之邦其德乃豐修之天下其德乃傳故以身觀身以家觀家以鄉觀鄉以邦觀邦以天下觀天下吾奚以知天下之然哉以此

右第五十四章八十六言

舍德之厚者比之於赤子也蜂蟻不螫猛獸不據攫鳥不搏骨弱筋柔而握固未知牝牡之合而股作精之至也終日號而盜不取

也知和之至也知和曰常知常曰明益生曰
祥心使氣則強物壯則老謂之不道不道早
已

右第五十五章八十三言

知者不言也言者不知也塞其兌閉其門挫
其銳解其紛和其光同其塵是謂玄同不可
得而親亦不可得而疏不可得而利亦不可
得而害不可得而貴亦不可得而賤故為天
下貴

右第五十六章七十言

以政治國以奇用兵以無事取天下吾莫以
知天下其然哉以此夫天下多忌諱而民彌
貧民多利器國家滋昏民多知慧而表事滋
起法令滋章盜賊多有故聖人云我無為而
民自化我好靖而民自正我無事而民自富
我無欲而民自樸

右第五十七章九十二言

其政聞闕其民僂僂其政督督其民缺缺禍
兮福之所倚福兮禍之所伏孰知其極其無
正衰正復為奇善復為祿人之迷也其日固

久矣是以聖人方而不割廉而不刺直而不
肆光而不耀

右第五十八章七十三言

治人事天莫若嗇夫惟嗇是以早服早服謂
之重積德重積德則無不克無不克則莫知
其極莫知其極可以有國有國之母可以長
久是謂深根固柢長生久視之道

右第五十九章六十四言

治大國若烹小鮮以道蒞天下者其鬼不神
非其鬼不神其神不傷人非其神不傷人聖
人亦不傷人夫兩不相傷故德交歸焉

右第六十章四十九言

大國者天下之下流天下之交天下之牝牡
常以靖勝牡以其靖故為下也故大國以下
小國則取於小國小國以下大國則取於大
國或下以取或下而取大國不過欲兼畜人
小國不過欲入事人兩者各得其所故故大
者宜為下

右第六十一章八十九言

道者萬物之奧也善人之所寶不善人之所

保美言可以於市尊言可以加於人人之不
善何棄之有故立天子置三公雖有拱璧以
先駟馬不知進此道也古之所以貴此道者
何也不曰求以得有罪以免邪故為天下貴

右第六十二章八十五言

為無為事無事味無味大小多少報怨以德
圖難乎其易為大乎於其細天下之難事
必作於易天下之大事必作於細是以聖人
終不為大故能成其大夫輕諾者必寡信多
易者必多難是以聖人猶難之故終無難矣

右第六十三章八十五言

其安易持其未兆易謀其脆易判其微易散
為之乎其未有治之乎其未亂合喪之木生
於蒙末成之臺起於累土千里之行始於
足下為者敗之執者失之是以聖人無為故
無敗無執故無失民之從事常於其幾成而
敗之慎終如始則無敗事矣是以聖人欲不
欲不貴難得之貨學不學以復衆人之所過
以輔萬物之自然而不取為也

右第六十四章一百三十一言

古之善為道者非以明民將以愚之民之難治以其多知也故以知治國之賊也不以知治國之福也常知此兩者亦稽式也能知稽式是謂玄德玄德深矣遠矣與物及矣乃復至於大順

右第六十五章七十四言

江海所以能為百谷王者以其善下之也故能為百谷王是以聖人欲上民必以其言下之欲先民必以其身後之是以聖人處之上而民弗重處之下而民不害也是以天下樂推而不取不以其不爭故天下莫能與之爭

右第六十六章八十五言

天下皆謂吾大似不肖夫惟大故以不肖若肖久矣其細也夫吾有三寶持而寶之一曰慈二曰儉三曰不敢為天下先夫慈故能勇儉故能廣不敢為天下先故能成器長今捨其慈且勇捨其儉且廣捨其後且先是謂入死門夫慈以陳則正以守則固天將救之以慈衛之

右第六十七章一百五言

古之善為士者不武也善戰者不怒善勝敵者不爭善用兵者為之下是謂不爭之德是謂用人之力是謂配天古之極也

右第六十八章四十七言

用兵有言曰吾不敢為主而為客不敢進寸而退尺是謂行無行攘無執無兵仍無敵禍莫大於無敵無敵則累亡吾寶故抗兵相若則哀者勝矣

右第六十九章五十七言

吾言甚易知甚易行而人莫之能知莫之能行言有宗事有主夫惟無知是以不吾知也知我者稀則我貴矣是以聖人被褐而懷玉知不知尚矣不知知病矣夫惟病病是以不病聖人之不病以其病病是以不吾病

右第七十一章三十二言

民不畏威則大威至矣無狎其所居無厭其所生夫惟無厭是以無厭是以聖人自知而不自見自愛而不自貴故去彼取此

右第七十二章四十八言

勇於敢則殺勇於不敢則活此兩者或利或害天之所惡孰知其故是以聖人猶難之天之道不爭而善勝不言而善應不召而自來然然而善謀天網恢恢疏而不失

右第七十三章六十四言

民常不畏死如之何其以死懼之若使民常畏死而為奇者吾得而殺之孰敢也常有司殺者殺而代司殺者殺是代大匠斲夫代大匠斲者稀不自傷其手矣

右第七十四章六十一言

民之飢者以其上食稅之多也是以飢民之難治者以其上之有為也是以難治民之輕死者以其上求生之厚也是以輕死夫惟無以生為貴者是賢於貴生也

右第七十五章六十三言

人之生也柔弱其死也堅強草木之生也柔脆其死也枯槁故堅強者死之徒也柔弱者生之徒也是以兵強者則不勝木彊則共故堅彊處下柔弱處上

右第七十六章五十九言

天之道其猶張弓者歟高者抑之下者舉之有餘者損之不足者補之天之道損有餘而補不足人之道則不然損不足以奉有餘孰能損有餘而奉不足於天下者其惟道者乎是以聖人為而不恃功成而不居其不欲見賢邪

右第七十七章八十七言

天下莫柔弱於水而攻堅彊者莫之能先以其無以易之也柔之勝剛弱之勝彊天下莫不知而莫之能行故聖人之言云受國之垢是謂社稷之主受國之不祥是謂天下之主正言若反也

右第七十八章七十三言

和大怨必有餘怨安可以為善是以聖人執左契而不責於人故有德司契無德司徹天道無親常與善人

右第七十九章四十一言

小國寡民使民有什伯之器而不用也使民重死而不遠徙雖有舟與無所乘之雖有甲兵無所陳之使民復結繩而用之至治之極

民各甘其食美其服安其俗樂其業鄰國相望雞犬之聲相聞使民至老死不相與往來

右第八十章八十五言

信言不美美言不信善言不辯辯言不善知者不博博者不知聖人無積既以為人已愈有既以與人已愈多天之道利而不害聖人之道為而不爭

右第八十一章五十七言

德經古本篇下

西昇經序

萬物莫不由之之謂道道之在我之謂德道德人所固有也昧者常失之周衰之末民迷日久世道交喪爰有博大真人以本為精以物為粗著書二篇言道德之意以覺天下後世之學者復見天地之純古人之大體冥混元之力也聖人之愛人終無已猶慮未足以盡妙又為關尹言道之要列為三十九章目曰西昇經觀其辭旨激切勸戒諄復以得一篇為要妙以飛昇為餘事其意蓋使天下後世徑趨妙本道通自得之場故也善教之功於此可見朕萬機之暇避神太清於道德之旨每著意焉既取二篇為之訓解於是書不可無述也以意逆志聊為之說昔吳筠嘗云深於道者無如五千言其餘徒費紙札爾是書蓋與五千言相為表裏不得不盡心焉政和御製序